

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

VI. Probatur veritas corporis Domini in Eucharistia, ex cap. 6. Ioannis.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

sunt cum Magistro lib. 4 d. 10. Ita quoque Thomas VValdensis contra VViclefum tomo II. de Sacramentis, cap. 92. & 94. & Ioannes Gerson, contra Hussitas in lib. de Communione laicorum. Denique nostro tempore contra Lutheranos plurimi, sed præter alios Nicolaus Sanderus, librum integrum scripsit de hac re.

Probatur QUARTO hæc eadem veritas ex absurdis, quæ sequerentur. PRIMO, sequeretur Ioannem nihil planè scripsisse de hoc Sacramento; nam nusquam attigit hanc materiam nisi hoc loco. At certè valde absurdum est, Euāgelistam primarium, & diligentissimum in summis mysteriis explicādis, nihil de hoc summo Sacramento scriptum reliquisse, præserrim cùm tam multa scriperit de Baptismo. Quare Augustinus lib. 3. de consensu Euangelistar. cap. 1. monet, Ioannem nihil scripsisse de cœna Domini in proprio loco, vt ceteri fecerunt, quia plurima de ea re antè scriperat. SECUNDO sequeretur, Christum nunquam explicuisse fructum, aut excellentiam huius Sacramenti, cùm id tam sēpe fecerit de Baptismo: nam in vltima cœna solūm instituit, sed nihil addidit ad eius explicationem. Et confirmatur, quia (vt Chrysostomus annotauit in comment. cap. 26. Matth.) Apostoli sine dubio commoti fuissent, & turbati, cùm audiebant: *Accipite, & comedite, hoc est enim corpus meum,* nisi antea instructi fuissent. TERTIO sequeretur, nullum exstare præceptum diuinum de hoc Sacramento percipiendo. Nam apud alios Euangelistas solūm exstat institutio, & vt quoties Sacramentum sumitur, id siat in memoriam Dominicæ passionis. Argumenta in contrarium soluentur infrà cap. 7.

CAPVT SEXTVM.

Probatur veritas corporis Domini in Eucharistia ex cap. 6. Ioannis.

NON iacto fundamento solidissimo, possumus inde sumere æquè solidum argumētum ad probandum veram præsentiam corporis Domini in Eucharistia. Dominus enim loquens de pane, quem daturus erat in cœna, disertè dixit: *Panis, quem ego dabo, caro mea est pro mundi vita.*

Posset

Posset autem duplicitate hoc argumentum refutari. PRIMO, si quis diceret (quod reuera dicunt hæretici) per panem hoc loco intelligi Christum absolutè, non autem ut est in Sacramento sub speciebus. SED hæc solutio profligata iam est omnibus argumentis, quæ fecimus cap. superiori.

SECUNDO, si quis admitteret, per panem intelligi Eucharistiam, sed diceret, panem illum Eucharisticū dici carnem Christi, non propriè, sed figuratè, siue tropus sit in verbo (*eß*) siue in nomine (*caro*.)

HAEC autem solutio refutanda est fusius in explicatione verborum illorum: *Hoc est corpus meum*; nunc autem refutari potest ex verbis huius ipsius loci multipliciter, & quidem solidissimè. PRIMO, ex cōparatione panum miraculo multiplicatorum, & Mannæ, quod pluit in deserto. Dominus enim cōtendit panem hunc suum, quem daturum se pollicebatur, præstantiorem esse vtrisque. At certè simplex panis ob solam significationem corporis Christi nō præstat panibus illis miraculo creatis, & multò minus ipsi Mannæ, quod etiam Christum significabat, vt suprà ostendimus. Præterea illi signum petebant à Christo obiicientes illi Manna, quod nō sine magno miraculo pluebat Patribus in deserto; Christus autem respondet se daturum panem de cœlo verum. Nullum autem est miraculum in pane communī significante corpus Christi; neque etiam in apprehensione, & mandatione Christi per fidem. Denique Dominus aliquid promisit, quod Patres non habuissent: sicut illi habuerunt Manna, quod nos non habemus. At carnem Christi per figuram, seu significatiōnē etiam Patres habuerunt.

SECUNDO, ex dubitatione Capharnaitarum, qui sine dubio intellexerunt veram carnem à Christo promissam; & similiter ex offensione discipulorum, qui eodem modo verba Christi intellexerant: quorum opinionem Dominus nō correxit, sed arguit eorum dubitationem. At quis credat, Dominum, qui tantopere fitiebat hominum salutem, passurum fuisse, vt tot discipuli ab ipso discederent, si potuisset uno verbo eos reuocate, dicendo se figuratè loqui; & rem facillimam creditu se proposuisse?

TERTIO, ex illis verbis: *Qui manducat meam carnem, ēbit meum sanguinem*. Nam in apprehensione Christi per fidem, non solum non est vera manducatio, sed nulla potest

test singi distin^{tio} inter cibum, & potum, vt supr^a diximus;
ergo hic promittitur vera caro, & verus sanguis, qui mandu-
cari & bibi possunt.

*Q*UARTO ex illis verbis: *Hoc vos scandalizat?* Si ergo vi-
deritis Filium hominis ascendentem, & bi erat prius? Ista enim
dupliciter exponi solent, & vtraque expositio confirmat no-
stram sententiam. VNA expositio est, quod voluerit Domi-
nus rem unam mirabilem alia mirabiliore, vel æquè mirabili
confirmare. Sicut em cùm dubitabant Iudæi, an Christus pos-
set remittere peccata, id ipse probauit, sanando paralyticum,
Matth. 9. & idem saepe alibi fecit, vt Ioan. 1. cum Nathanaële,
& Ioan. 3. cum Nicodemo. Ex qua expositione sequitur veri-
tas nostræ sententia: si enim Dominus non promisisset veram
carnem suam se daturum in Sacramento, non fuisset opus pro-
bare potentiam suam exemplo Ascensionis.

ALTERA expositio est, quam indicare mihi videtur Chry-
sostomus in commentario, & sanè valde literalis, quod Do-
minus reprehendat incredulitatem discipulorum, ac doceat,
maiorem occasionem eos habituros dubitandi in Christi ab-
sentiæ, si in eius præsentia dubitant, quasi dicat: *Hoc vos scan-*
dalizat, quod carnem meam vobis edendam dare velim? quid
ergo facietis, quando in cœlum ascendero, & tam procula
vobis abierit corpus meum? quomodo tunc poteritis credere
idem corpus vobis in Eucharistia præsens exhiberi? Porrò hec
etiam expositio mirificè confirmat Catholicam veritatem.
Nam si Dominus solum promisisset corpus suum fide percipiendum,
non fuisset difficultius, sed facilius ita illud sumere
iis, qui vidissent Ascensionem Christi: Ascensio enim conspe-
cta roborauit Apostolos in fide; non ergo Dominus diceret:
Quid ergo si videritis Filium hominis ascendentem?

CAPVT SEPTIMVM.

Soluuntur obiectiones aduersariorum.

D hoc nostrum secundum argumentum ex cap. 6.
Ioan. nihil habent, quod obiciant, nisi caput il-
lud, ad Sacramentum non pertinere. Soluenda
igitur sunt eorum argumenta.

PRIMVM argumentum Lutheri est, quo vtitur etiam
Kemnitius, & alij. Cœna Domini instituta fuit pridie passio-
nis